



MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E O CONCELLO DE VILASANTAR PARA A INSTALACIÓN DE PARQUE INFANTIL NO XARDÍN BOTÁNICO DE PRÉSARAS (VILASANTAR)

I. Departamento que tramita o convenio

A Consellería de Presidencia, Xustiza e Deportes é o departamento ao que lle corresponde a elaboración, proposta e execución da política do Goberno galego en materia de Administración local, de conformidade co previsto no Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes (DOG núm. 101 do 27 de maio).

II. Antecedentes

A Xunta de Galicia, a través da Consellería de Presidencia, Xustiza e Deportes, ten previsto asinar un convenio de cooperación co Concello de Vilasantar para a execución das obras de instalación de parque infantil no Xardín Botánico de Présaras (Vilasantar).

Os artigos 194 e 195 da Lei 5/1997, do 22 de xullo, de administración local de Galicia (en adiante LALGA), establecen que, no que atinxe ás relacións coas entidades locais galegas, correspóndenlle á Xunta de Galicia ás competencias de cooperación e colaboración, podéndose estas materializarse mediante a subscripción de convenios.

Segundo dispoñen os artigos 25 e 26.1 da Lei 7/1985, do 2 de abril, reguladora das bases do réxime local, e 80 e 81 da LALGA, os concellos deberán prestar á súa cidadanía os servizos públicos que contribúan a satisfacer as necesidades e aspiracións da veciñanza, entre os que se atopan a promoción do deporte e instalacións deportivas e de ocupación do tempo libre.

O Concello de Vilasantar manifestou a necesidade de asistencia por parte da Consellería de Presidencia, Xustiza e Deportes para a acometer as obras de instalación de parque infantil no Xardín Botánico de Présaras (Vilasantar).

Na actualidade o Xardín Botánico de Présaras, obxecto das actuacións descritas na presente convenio é un espazo delimitado por unha vía pública en dous dos seus ventos, sen valado e por vexetación nos outros dous ventos. No interior do "perímetro" existe unha pista valada de uso deportivo, unha construción que da servizo a toda a área e diferentes elementos de mobiliario do parque, principalmente papeleiras e bancos, así como un cartel informativo do parque.





Por mor da necesidade de mellora nos servizos públicos deportivos e lúdicos, dende o Concello tómase a determinación de levar a cabo unha mellora do espazo: na propia parcela na que se encravan elementos deportivos preténdese completar a oferta de servizos municipais coa creación dun parque infantil.

O parque infantil atópase nun entorno natural: no Xardín Botánico de Présaras. Na actualidade non existe ningunha zona destinadas ao uso infantil propiamente, polo que se pretende crear mediante esta intervención un espazo con numerosos elementos de xogo. A área conta con acceso peonil dende a vía pública.

A materialización da proposta repercutirá no entorno e reforzará a oferta lúdica xa presente, garantindo coa actuación unhas adecuadas condicións de seguridade aos usuarios posto que as pezas a implantar atópanse todas certificadas e a súa configuración axústase á normativa de aplicación.

Desta maneira, a superficie aproximada proxectada para o parque infantil é de 144 m². Non se modifica ningún dos elementos existentes no entorno nin se rehabilita a construción.

Así, a área na que se intervén vai a ser destinada ao mesmo uso lúdico que na actualidade. As actuacións previstas non afectarán ao trazado de ningún servizo existentes.

O parque infantil será público e de acceso libre.

As actuacións están enfocadas á instalación do parque infantil de uso público mediante a dotación de equipamento urbano de uso infantil seguro e accesible e coa execución do pavimento de caucho sobre o cal se colocarán os diversos elementos de xogo. Así, as obras proxéctanse coa finalidade de mellorar a oferta lúdica do entorno incorporando xogos infantís de alta demanda na actualidade.

Todos estes factores recomentan as actuacións previstas, as cales redundan, en calquera caso, no beneficio e comodidade dos usuarios.

De acordo co exposto, coa dita actuación mellóranse as condición de ocio e tempo libre, acadando unhas instalacións axeitadas, funcionais e de utilidade para os usuarios, tratándose polo tanto dunha actuación xustificada polo interese público.

Un pequeno concello, como o de Vilasantar, dispón de escasas posibilidades económicas para acometer inversións de estas características, polo que considera necesario solicitar unha subvención á Xunta de Galicia pola totalidade do orzamento da obra.

III. Finalidade

O obxectivo común é mellorar as infraestruturas municipais, de forma que se dote ao concello de Vilasantar, de equipamentos axeitados para os habitantes, mellorando a calidade da vida, e posibilitando a chegada de novos habitantes, e, a ser posible, de familias con nenos que son a base dun crecemento sostible.





Para os efectos sinalados, tense previsto formalizar co Concello de Vilasantar o instrumento convencional a que se refire a presente memoria, cunha duración que abrangue dende a súa sinatura ata o 31 de decembro de 2026.

IV. Obxecto do convenio

O obxecto do presente convenio é fixar as liñas de colaboración entre a Consellería de Presidencia, Xustiza e Deportes e o Concello de Vilasantar para executar as de instalación de parque infantil no Xardín Botánico de Présaras (Vilasantar), cun orzamento total de 48.308, 52 € (IVE incluído).

V. Fundamentos do convenio

O Concello de Vilasantar manifestou a necesidade de asistencia por parte da Consellería de Presidencia, Xustiza e Deportes para a acometer o as obras de instalación de parque infantil no Xardín Botánico de Présaras (Vilasantar), debido á necesidade de mellora nos servizos deportivos e públicos e a determinación de levar a cabo unha mellora do espazo, que repercutirá no reforzo da oferta lúdica xa existente garantindo adecuadas condicións de seguridade aos usuarios.

Así pois, este convenio de colaboración responde ao interese público e social que representa a acción de fomento da Consellería de Presidencia, Xustiza e Deportes respecto da execución dunhas actuacións necesarias para o normal funcionamento da entidade local, que lle permitan exercer as competencias e prestar os servizos que a normativa básica en materia de réxime local lles atribúe aos concellos, como Administración máis próxima aos administrados.

A conxuntura descrita, a necesidade de asistencia manifestada polo Concello e o obxectivo da actuación, así como a existencia de crédito adecuado e suficiente para a súa aplicación eficaz no restablecemento dos servizos municipais sobre os cales se actuará a través do convenio que se pretende subscribir, acreditan a existencia de razóns de interese público que xustifican o feito de recorrer ao procedemento excepcional de concesión directa dunha subvención a favor do Concello de Vilasantar.

Así mesmo, esta actuación resulta de interese para a Xunta de Galicia polo que supón de potenciación e apoio á prestación de servizos por parte dos concellos, como Administración mais próxima aos administrados.

Conforme co establecido no artigo 26.2º da Lei 9/2007, do 13 de xuño, de subvencións de Galicia, faise constar que neste convenio non son de aplicación os principios de publicidade e concorrência pública, xa que o obxecto do convenio é atender as





circunstancias específicas dese concello para a mellora das infraestruturas municipais adicadas á promoción do deporte e de ocupación do tempo libre.

Incorpórase ao expediente declaración xustificando a imposibilidade de promover a concorrência pública, de acordo co establecido no citado artigo 26.2º.

VI. Actuacións da subvención:

As obras de instalación do parque infantil no Xardín Botánico de Présaras (Vilasantar) que van a levar a cabo, co fin de conseguir un espazo de xogo infantil renovado e seguro, son as seguintes:

- preparación do terreo e formación de soleira de formigón
- execución de pavimento de caucho
- subministro e instalacións de randeeira nido
- subministro e instalación de conxunto con casa, tobogán e rede de escalada
- subministro e instalación de balancín de resorte (x2)
- subministro e instalación de balancín con barra
- subministro e instalación de trampolín
- sinalética vertical: cartel segundo normativa vixente

VII. Importe e aplicación orzamentaria

Para dar cumprimento aos obxectivos deste convenio a Consellería de Presidencia, Xustiza e Deportes, a través da Secretaria Xeral Técnica, achegará a cantidade máxima cantidade de corenta e oito mil trescentos oito euros con cincuenta e dos céntimos **(48.308, 52 €)**, IVE incluído, con cargo á aplicación orzamentaria 05.01.121A.760.0 (código de proxecto 2015 00088). Esta cantidade representa o 100 % do orzamento do proxecto.

Polo exposto, considérase xustificada a utilización do instrumento convencional para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, data da sinatura dixital

O secretario xeral técnico

Francisco Javier Abad Pardo



